



**Naalakkersuisut Atuarfik pillugu Inatsisartut inatsisaannik allannguissaminni atuarfimmi klassimi ataatsimi atuartut annerpaamik 18-inik amerlassuseqartalernissaannik qulakkeerinneqqullugit peqquneqarnissaannik Inatsisartut aalajangiiffigisassaattut siunnersuut.**

Inatsisartunut ilaasortaq Peter Olsen, Inuit Ataqtigiit

Peter Olsen, Inuit Ataqtigiit siunnersuuteqarputit Naalakkersuisut atuarfik pillugu Inatsisartut inatsisissaannik allannguissaminni atuarfimmi klassimi ataatsimi atuartut annerpaamik 18-inik amerlassuseqartalernissaannik qulakkeerinneqqullugit peqquneqarnissaannik Inatsisartut aalajangiiffigisassaattut siunnersuut saqqummiullugu siunnersuuteqarputit

Peter Olsen, Inuit Ataqtigiit nunatta siunissai tassalu meerartasa atuarfimmi avatangiisaat pitsaasuunissat anguniarlugu pitsanngorsaataasinnaasut ilaattut siunnersuuteqarninnut Partii Naleqqamiit qujassuteqarfigaatigit.

Meeqqat atuarfiat pitsaanngorsaavigiuartariarpoq angusat pitsaanerusut angorsullugit taamaammat Partii Naleqqamiit pingaattilluinnakkatta ilagimmassuk siunnersuutit atuarfimmut pitsanngorsaataasinnaasut tamarmik tikilluaqqullugit oqalliseqataaffigilluartarnissaat qilanaaraarput.

Pingaartitaraarput atuarfik pitsaanerusumik ullumimiit angusaqartalernissaat, taamaammat aamma pingaartitagut qanoq iliornikkut pitsanngorsarneqarsinnaanersut oqallisigineqarlutillu iliuuseqarfigisarnissaat pingaartutut isigigaagut.

Siunnersuutigisat Partii Naleqqamiit misissuilluarfigereerlugu ima oqaaseqarfigissavarput.

Ilisimatuussutikkut uppernarsarneqartanikuuvoq amerlasuutigut atuarfimmi atuartut amerlassusaat ilikkagaqarsinnaanermut angusarissaarsinnaanermullu sunniuteqartarnerat annikitsuaraannaasoq. Tassalu klassini atuartut ikinnerunerat amerlaneruneralluunniit qitiunngitsaq.

Qitiutinneqarporli ilinniartitseriaaseq paasinarluartumik siunnerfilik aammalu meeqqanut naappertuussagaq. Ilinniartitsinerit meeqqat ataasiakkaat aallaavigalugit ingerlanneqartut aammalu siunnerfinni anguniakkanik suneri aallaavigalugit ilinniartitsinissamut pilersaarusiukkat.

Atuarfinni maannakkut anguniagaqarnermi unamminarsinnaasorpasuppuput aammalu atuarfitsialaap anguniarnerani killiffik aallaavigalugu nalilersuinissaq pisariaqartut ilagilersimagaat maluginiagassaavoq.



partii naleraq

Nuuk 15. okt. 2019

UPA 2019/127

Jens Napätôk, Partii Naleraq

Partii Naleqqamiit isumaqarpugut atuarfimmi atuartut avatangiisaat atugaat aammalu ilikkagaqarnerunissamik periarfissaat ataatsimut susassaqtut atuarfinnut ilisimasaqtut peqatigalugit aqqissuuttuartaqtut.

Taamaamat maannakkut killiffeqarnermut pitsanngorsaataasinnaasut qaqilerlugit aallartittut iluatinnartorpasuit atuarfimmut tunngasut nalilersuilluarfiginissai pingaarsorinarput, tassungalu ilanngullugu siunnersuut una ilumut aqutissat ilagissaneraat nalilersorluaqqissaartariaqtut ilaattut mattukkusunngilarput Partii Naleqqamiit. Kisiannili kissaatigerusupparput aqqiillattaarnerit atorlugu atuarfik sinaakkutaalu allanngorteqattaalissanngikkigut, siunnerfiimmi angisuut pitsaasorpasuit ajalusoortartut takusarpagut ataatsimut aqqiisannginnerput pequtigalugu. Soorlu kommunerujussuit pilersinnerani siunertat pitsaasuugaluartut annikkitsuararpasuit allanngortitserlugit aqqiissuteqaqattaarnerit siunnerfik pitsaasuugaluartoq iluatinniarnera innarlarsimavaat amerlasuutigut.

Ilanngullugu nalilersugassaavoq siunnersuut pivusorsiuttuunersoq ilumut taamatut piunasaqaateqarutta naapertuuttuunersoq nunatsinni maannangaaq killiffeqarnitsinni imaluunniit siunissamut anguniagaassanersoq.

Naatsorsuinerit qivialaarutigit takutippaat atuarfinni annerpaamik atuartut amerlanerpaamik 18-inik amerlassuseqaannalissappata nunatsinni klassit 47-nik amerlisariaqassasut.

Ineeqqanik taamatut annertunerusumik pisariaqartitsilernissaq annertuvoq qanoq angugasuarneqarsinnaava? Sukkasuumik aqqiiffigineqarsinnaava?

Maannakkut killiffipput qiviraanni avannaani nunaqarfeqarpoq suli iluamik atuarfeqanngitsunik, atuarfii ullutsinnut naleqqutinngilluinnaaqqissaartut, ukiorpassuanngortuni kinguartitseqattaarneqaannartut. Init ilinniartitsiffiusut ullutsinnut naleqqukkunnaarsimasut. Taamatullu tunumi soorlu Ittoqqortoormiini atuarfik oqoqarluni ajoraluartumik siviluallaalersumik matoqqanikuvoq. Tamakku aqqeqqaarnagit akissaqartissimanagilluunniit immikkut ineerarpasuarunik pisariaqartitsilernissaq suliarissavarput? Taakku ilanngullugit aqqiiffigissuagut? Isumaqarpunga taakku meeqaat maannakkut atugaat siulliusariaqarluinnartut, aammalu utaqeqqissinnaanatik inissimasuusut aqqiiffigigasuartariaqarluinnartut. Ilumoorsinnaanngilarmi kinguartittuarneqassasut, naluneqanngikkaluarluni atukkat ajorluinnartuusut, sooruna tamakku tusaaneqanngitsuusaarlutik taamatut atugaqartitsiffiinnartut?

Aamma eqqaamassavarput maannakkut atuarfiliortitsinermi kommunit annertoorujussuarmik akisussaaffilersorlugit akisussaaffiit tunioraappagut, siunnersuut kommuninut qanoq aningaasaqarnikkut allatigullu sunniuteqassava.

Taamatut qulaaniit piunasaqarnerput kommunit kivissinnaavaat? Qanoq periuseqartoqassava pivusorsiortumik aqqiissagutta? Tassanilu tulleriaarilluarneq avaqqunneqarsinnaagunangilluinnarpoq.



partii naleraq

Nuuk 15. okt. 2019

UPA 2019/127

Jens Napätök, Partii Naleraq

Taamatullu klassit 47-nik amerlinerisa saniatigut ilinniartitsisut qanngiuttoorneqanngitsumik amerlassuseqarnera aallaavigalugu ilinniartitsisut 62-inik amerlanerusut pisariaqartissasut siunnersuutip uuma kingunerissavaa,

Tassa ilinniartitsisussaaleqinerup qaavatigut pisariaqartinneqalissasut. Ilinniartitsisut 62-it amigaataalernissaat siunnersuummi qaffasinnerusumik ilikkagaqartitserusunnitsinnut piviusorsioortuuva? Taakkulu ilinniartitsisut pissarsiarineqarsinnaaneri killeqareersut ukiumut aningaasarsiaat 25 million koruuninik naleqassasut naatsorsuutigneqassaluni.

Siunnersuut saqqummiusaaq atuarfinni klassini atuartut ikinnerunerat ilisimatuussutsikkut ilikkagaqarsinnaanermut toqqissisimanerunermullu aqutissiusartuunngitsoq oqaatigneqaraluartoq aammalu aningaasartuutissat annertoorujussuugaluartut Partii Naleqqamiit siunnersuut kalaallit nunatsinnut sukkot qanorlu naleqqussarneqarluni iluaqutaasinnaansoq annertunerusumik qulaajaaffigneqarnissaa kissaatiginartissinnaavarput, taamaammallu atuarfik pitsaannerusumik sinaakkutitaqarnissaanut aqutissarsiornermi periarfissat amerlasoorpassuit ilaattut nalilersorluarnissaa kissatigalutigu itigartiinnarusunngilarput.

Taamaammatt arlaatigut allannguutissatut siunnersuuteqarluni siunnersuuteqartup siunnersuutaa tulleriaarilluarnissamut tikkuussisinnaasumik oqariartuutitaqartumik kinguneqartusaaq kissaatigalutigu ataatsimiittitaliamut nalilersorluarneqarluni suliarineqassasoq innersuussutigerusupparput itigartiinnaqinagu.

Taamatut oqaaseqarluta Partii Naleqqamiit ataatsimiittitaliami susasaqartumi sukumiisumik suliarineqarnissaa kissaatigalutigu ataatsimiittitaliamut innersuussutigaarput